



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Allocutiones Sacræ, S^vp^r Evangelia Dominicarvm totius
anni**

Jahoda, Johann

Pragæ, [ca. 1659]

Dominica II. Quadragesimæ. Dæmon Geographus, Christus Astrologus.

[urn:nbn:de:hbz:466:1-51496](#)

DOMINICA II. QVADRAGESIMÆ.
Dæmon Geographus; Christus Astrologus.

Duxit illos in montem. Matt:17.



legantissima mundi mōles, uti sex continua dies ingeniosas divini artificis manus; sic multo magis tarda tot seculis hominum fatigavit ingenia. In hoc omne studium curaque versatur, scire quid sit mundus; in hunc finem longæ peregrinationes, navigationes, & itineraria suscipiuntur, exteræ Provinciæ, nationes, urbes adeuntur, saepe magno vitæ periculo, ærisque dispendio: homo ferè non putatur, qui extra patrios lares pedem non posuerit. Sed quia non omnibus datur adire Corinthum, nec omnibus ita turget crumenæ, ut eam mundi peritiam mercari possint, ex cogitavit humana industria nescio quas versatiles sphæræ, globos, tabulas, & mappas, in quibus totum Orbis situm velut in aliqua idea licet intueri, & quod alij longis itineribus querunt, uno serè lucrari aspectu. Sic refert

Drexel: de Drexelius, quendam albæ mentis hominem ad Geographum accessisse, petitissime, per orbem sese compendio duceret, doceretque varias regiones in charta noſſe;

Nec minus è tabula picta discere mundos.

Mox ille hominem ad ingentem tabulam lavaviter trahens, ostendit sermoci-

nante manu hic Asiam, novam illuc Americanam, istic Africam, ibi Europam: similiter flumina, maria, provincias, regnaque plurima monstravit. Jamque satis, ut putabat, à Geographo instructus, mundique peritus, Astronomiæ Doctorem quoque adit, rogatque cœlestium orbium compositionem, sibi explanet, quis eorum numerus, quis ordo, quis motus, qui eccentrici, & concentrici, qui plani, qui solidi sint orbes. Astrologus coepit versare sphæram, & ostendere quæ circulorum volumina, quæ axium sint vertigines, qui coluri, qui tropici, quid æquator, quid zodiacus. Sphæra medio cingebatur terra vix nucem æquans; ita simul etiam cœli, terræque distantiam explicavit. Hic Auditor admirabundus: quid hoc rerum est obsecro? Prior ille Geographiæ Professor in extensa tela terræ globum esse maximum monstravit: tu verò doctissime Domine terram vix exiguae nuci magnitudine parem exhibes. Cui credam? Astigit amicorum aliquis, qui in aurem insuffranc: ne mireris, inquit; nam ille Geographus, iste Astrologus est, diversa tractant studia, rem suam uterque curat. Animadverto omnibus scientiam hanc in amoribus esse, ideoque tam Geographum, quam Astrologum vobis hodie proponam. Vestrum erit

erit discernere cui magis credatis, illi-
ne, qui parvam terram, & coelum ma-
gnum exhibet; an illi, qui terram ma-
gnam & coelum parvum.

Necdum arbitror memoriā excidit,
quod ante octiduum cum filio Dei ge-
stum audivimus, qualiter eum Diabo-
lus assumpserit *in montem excelsum val-
de*, & ostenderit ei omnia Regna mundi
dicens: *hec omnia tibi dabo, si cadens
adoraveris me.* Ecce Geographum.
Hodie verò ipsem Dei filius tres ca-
rissimos discipulos *in montem item ex-
celsum* assumit, & ostendit eis gloriam
coeli. Ecce Astrologum.

Hic jam statim dolum aliquem in-
versutissimo Cacodæmone suspicari
incipio; nec assequor quomodo ex u-
no monte omnia mundi regna mon-
strare potuerit. Euthymius putat
non ipsa regna, civitates & populos
Christo ostensa; sed partes terræ in qui-
bus unumquodque Regnum, vel uni-
uscujusque Regni civitas posita erat:
ut putà si ascendas super excelsum lo-
cum, digito extenso dicam tibi: *ecce
ibi est Roma, aut ibi Alexandria.* Non
sic ostendo tibi, ut ipsas videas civitates,
sed partes terræ, in quibus posita sunt.
Haymo ab ipso Deo Regna mundi Dia-
bolo, & per hunc Christo proposita o-
pinatur. *Diabolus*, inquit, *non tanta
fuit potestatis*, ut Domino Regna univer-
sa posset ostendere; sed ita est tenendum,
*quod ipse Dominus totam mundi machi-
nam* potentiam suâ Diabolo videndam pra-
buit, sicuti B. Benedicto ostensam legi-
mus apud D. Gregorium, *omnis enim
mundus, velut sub uno Solis radio collectus
ante oculos ejus adductus est.* S. Cypria-

nus censet id factum non sensibili; sed *Cyprian.*
imaginaria & phantastica visione. To-
letus per species à Dæmoniæ collectas. *Tract. de je-
jun. & tent.*
Nonnulli Recentiores apud Cornelii
um per multa specula sibi invicem ob-
jecta. Ex Theophrasto probabilissi-
mè Jansenius docet, Dæmonem instar
pictoris omnium regnorum imagines
in aëre à se variè condensato, per vari-
as radiorum Solis refractiones, uti fit
in iride, repræsentasse & quasi pinxit-
se, fecisseque ut per eas omnia, quæ in-
regnis erant gloria & splendida, ap-
parerent & obijcerentur oculis Chri-
sti. Ea picturæ venustas est, ut res in-
se viles & sordidas colorum beneficio
viliuſ jucundas, magnasque efficiat.
Quid detestabilius serpente? & tamen
ubi in tabuia gratiolâ squamarum lu-
ce micuerit, cuius non oculos recreat?
Afferit hoc ipsum doctis notum ada-
gium: *qua natura deformia sunt, plus
habent artis, & voluptatis in tabula.* Pi-
ctam Dæmon Geographus & quasi in-
mappa Christo exhibit terram, volens
ei addere per picturam, quod non ha-
buit per naturam. Terra enim in se
in primis adeo sordida & foeda est, ut
non nisi merissima videatur corruptio;
quidquid enim in ea generatur, ex cor-
ruptione generatur. Est adeo parva, ut à
Seneca punctū appelletur: *hoc, inquit,*
*est punctum, quod inter tot gentes ferro &
igni dividitur.* Et Plinius ait: *mundi
punctus (neg, enim est aliud terra in Uni-
verso) hac est materia glorie nostræ, hæc se-
des, hæc honores gerimus, hæc exercemus im-
peria, hæc opes cupimus, hæc tumultuatur
humanum genus, hæc instauramus bella,
mutuisq, cœdibus laxiore facimus terræ.*

*Erasm. L.
3. apoph.*

*I. 2. nar. hist.
c. 68.*

Con.

Plut. in
Lacon.

Psal. 145.
15.

Virg. 9.
Æn.

Conspexerat nonnemo tabulam, quæ Atheniensum cum Lacedæmonijs pugnam ad vivum referebat. Ibi videns qualiter Athenenses Lacedæmonijs instarent, eosque cæderent & trucidarent, exclamavit: *fortes Athenienses. Lacon id audiens; subjecit: in tabula.* Sic multi mundi hujus gloriam conspicati, videntes Cæsarum diadema, Regum purpuras, mitras Pontificum, tiaras Ducum, trabeas Principū, epomides Doctorum, balthea militum, Senatorum togas, torques divitum, annulos sponsorum, urbium magnificen-tiam, palatiorum majestatem, mensarum lautitas, & his similia, continuò acclamant: *Beata terra! beatus homo! beatus populus cui hac sum.* Sed addo ego: *in tabula.* Omnia tantummodo picta sunt, & ad brevem aspe-ctum, ut illa Theonis tabula Juvenem, armatum referens. Torvi furias spirabant oculi, manuum altera umbo-nem obtendebat, altera vibrabat fer-rum, incessus in hostem incitatus; u-num belli signum deerat. Ergo tubi-cen pone cortinam statuitur, & ubi primùm

- - tuba terribilem sonitum procul
ere canoro

Incepit - -

tum velo diducto miles patet. Comœ-dis ac Tragœdis id solenne est, ut cùm per imagines ad vivum quidpiā repræ-sentare volunt, id faciant quām oxyssi-mē, & quasi in momento; quia sicut primo intuitu veri speciem exhibent, ita si paulo diutius eas spectari sinant, fictionem deregunt. Non ignoravit

hanc artem Dæmon Comicus petitissimus, ideo, ut loquitur Lucas, ostendit Christo omnia Regna orbis terra in mo-^{Luc. 4. 5.}mento temporis, metuens, ne si diuturniorem tabulæ indulgeret aspectum, tota illa terrena gloria, ut erat, appa-reret figmentum. Et verò illusum se hic agnovit Paulus (tunc adhuc Saulus) cùm nescio quam se habere putaret, gloriā ex eo, quod accepisset epistolā à Principibus Sacerdotum in Damas-cum ad Synagogas, ut quotquot invenisset Christianos, vinculos perduceret in Jerusalēm. Jamque adeo ita inflaba-tur, & præ superbia turgescet, ut præter minas & cœdes in Discipulos Domini spiraret nihil. Et ecce ubi pri-mūm imagines vel potius imaginatio-nes illius lux de cælo illuminavit, aperi-tis oculis nihil videbat. Quò abiit, ò Saule, tua potestas? ubi sunt, quos à Principibus Sacerdotum sperabas ho-nores? Ah! imaginarij tantum & in tabula picti erant. Hoc dico, fratres, Reliquum est, ut qui utuntur hoc mundo, tanquam non utantur. Præterit enim figura hujus mundi. Deceptus etiam hæc figura fuit Alcibiades, dum se ob agrorum, quos possidebat, multitudinem omnino beatum reputabat. Sed phantasiam ejus correxit Socrates: quippe ad mappam seu tabulam geo-graphicam adductū rogavit primūm, ut Atticam istic regionem quereret; quam ubi invenisset, jussit ut suos in ea agros ostenderet. Cùm istic pictos non esse diceret: cur igitur, inquit Socrates, horum possessione te effers, quæ nulla pars sunt terre? O vere nulla pars! punctum enim, qualis est terra, partes non

Psal. 75. 6. non habet. Hinc bene dixit David : dormierunt somnum suum, & nihil invenerunt omnes viri divitiarum in manibus suis, quasi diceret : quantumcunque se divites & opulentos putent, jacent nescio quos thesauros, numerent vilas, pagos, arces, castella quam plurima, nihil tamen habent; vanâ luduntur imagine somni. Praterit figura hujus mundi.

Ergo fallaci Geographo relicto ad Astrologum transeamus. Astrologis magis proprium est astrorum speculatorum causâ alta scandere: hinc in laudatoribus ædificijs visuntur subinde speculæ, quas vocant Mathemáticas, super domûs fastigia eminentes, & totam superbè despicientes fabri-
cam. Quò enim altius quis ascendit, eò majorem cœli partem videt, uti contrà minorem, quò profundiùs se demittit: hinc illud ænigma :

Dic quibus in terris, & eris mibi magnum Apollo,
Tres pateat cœli spatum non amplius ulnas, (a)

(a) in fossa
vel putoeo.

*Diod. I. 3.
cap. 5.*

De Atlante cœlifero scribit Diodorus, quòd frequenter in montis sibi cognominis cacumen ad scrutandos astrorum cursus scandere sit solitus. Porrò dum una aliqua nocte Hesperum filium præ reliquis insignem & charum assumit, hunc ex improviso à ventis abreptum, nec amplius visum esse. Casum tam tristem miserata plebs honores illi æternos decrevit, astrumque cœleste lucidissimum ejus nomine appellavit. Ascendit hodie, (ut suprà memini) Christus verus Atlas, Vniversique totius

fulcrum, portans omnia non tam hume- *Hebr. I. 3.*

ris, quam verbo virtutis sua, ascendit, inquam, montem Thabor, montem, imprimis excelsum, & si Josepho cre- *Joseph. I. 4.*
dimus, triginta stadia, hoc est quatuor de bello Iuda: ferè millaria Italica altitudine æquante; assumit non unum, sed tres ca- *c. 2.*
rissimos Hesperos (scio enim hoc nomi- ne alicubi dilectos appellari) idque non *Plant.*

alia de causa, quam ut illos sphæram, cœlestem doceat, terramque dedoceat. Ante omnia verò astrorum Principem eis exhibit Solē (nam resplenduit facies ejus sicut Sol) ut terræ parvitatem vel ex hoc solo discat estimare, qui juxta Pro-
tomeū centies sexagies sexies, juxta Re-
centiores verò Mathematicos centies quadragies bis major est illa. Quod si u-
nus Sol tam notabili quantitate terram excedit, quantum non excedet ipsum firmamentū, cuius minima portio, hoc est stella infimæ magnitudinis, decies & octies terrestrem superat circulum.

Quid porrò Cœlum Empyreum? Ce- *Corn. à lap.*
lebris scripturarum Interpres docet, il- *in Apoc. c.*
lud non millies, nec centies millies; *21. & in-*
sed plusquam decies centies millies *Gen. c. 1.*

terræ totius globum continere. Et quidam aliis supputat: si in fine Mundi ab ejus ortu forent mille quadringenti viginti novem milliones millionum hominum, singuli 15. milliaria Germanica in ipso Cœlo æquâ distributione inter se sortirentur, restarentque adhuc aliquot milliones milliariorum. * Quis jam * 677588. non exclamat cum Propheta: o Israël 27700. quam magna est domus Dei, & ingens lo-
cus possessionis ejus! Quis non protestetur cum Ignatio: quam sorbet mihi ter-
radum cœlum afficio! quis audeat di-

M

cere:

cere: bonum est nos hic esse? Tam stolidus equidem repertus est vir domo genteque nobilis (nomini parcimus, inquit Drexelius) qui in convivio jam de Cœlo, c. vino calescens, ac lingua volubili & in scurrilitates soluta ausus attestari: si mihi Deus facultates meas ac voluptates ea lege transcriberet, uti in annos mille meo arbitratu liceret ijs frui, ego mehercle suum Deo cœlum non inviderem, cantarem liberè: *Cœlum cœli Domino, terram autem dedit filiis hominum* "O scrofipascum! imò ô porcum! exclamat author." Impius ille homo Nilum suum aspexit, non cœlum. Anaxagoras Philosophus rogatus aliquādo; cur viveret, respondit: ut cœlum aspiciam; tolle cœlum & nullus ero.

Laertius.

*Cœlius antiq. lect. I. I.
c. 20.*

Quam vocem à Philosophis licet summa admiratione exceptam risu prosequitur Lactantius, putans nescientem, quid diceret, in hæc verba prorupisse. Vedit hodie Petrus in monte Thabor, cœli particulam, vedit in vultu Christi solem, gustavit gloriæ frustillum, & continuò hic sistendum putat, continuò exclamat: *bonum est nos hic esse, faciamus hic tabernacula.* Sed addit Lucas: *nesciens quid diceret.* Verè nesciebat quid diceret, quia ex tam beata visione totus sui quodammodo fuerat oblitus. *Quomodo enim* (sic eum interrogat Bernardus) *bonum est nos hic esse?*

Bern ser. 6. de ascensio: *Imo verò molestum est, grave est, periculorum est. Nimirum ubi malitia plurimum, sapientia modicum, si tamen vel modicum invenitur: ubi viscosa omnia, omnia lubrica, operta tenebris, obessa laqueis pect-*

catorum: ubi periclitantur anima, ubi spiritus affliguntur sub sole, ubi tantum vanitas & afflictio spiritus est. Debebat ergo dicere: si tam pulchrum, tam amplum, tam spatiolum & magnificum est cœlum; bonum est nos ibi esse; ibi non tam oculi, quām corda nostra sint fixa, ubi vera sunt gaudia. Egregius Stella de Mundi-Mastyx Didacus Stella solebat contemptu dicere: " si tibi, ô homo, Deus cœli pul mundi l. 3. chrititudinem non ultra mediæ horæ, c. 100. spatium communicaret, mille mundos huic similes deberes spernere. Et merito sanè: nam sicut ignis noster elementaris (quod communiter dicitur) respectu infernalis pictus est; ita si quæ in hoc mundo dantur gaudia, respectu cœlestium picta sunt. Pingunt quidem Astrologi etiam in sphæra cœlesti nescio quæ monstra; pingunt Tauros & Centauros, pingunt Ursas & lupos, Leones & Dracones, Serpentes & Scorpiones, Ophichchos, Hydras, Medusas, Asellos, Capros, Arietes, Equos, Canes: sed hæc merissima esse figmenta, merissima Poëtarum deliria quis nesciat? Similiter complures Christiani cœlum horrificis monstris undique obseptū sibi imaginantur, putant illud aditu nescio quām difficile; sed, ut bene Recentior nonnemo Ecclesiastes observavit; " quidquid cœlorū via habet arduum, id ex nostra imaginatione magis nascitur, quām ex ejus difficultate." Certè quotquot hastenus illud intrarunt, non per aliam iverunt viam, quām per latram.

Domi-

